

ზედსაართავ სახელთა ნაკმოება ნასესხებ სიყვანათაგან -ურ ბოლოსართით

-ურ ბოლოსართი ქართულში სადაურობისა და თვისების აღმნიშვნელი სიტყვების საწარმოებელია¹. ეგვე -ურ ბოლოსართი აწარმოებს ზედსართავეებს იმ შემთხვევაშიც. როცა მათ ფუძედ უცხო სიტყვაა აღებული (ინტერნაციონალ-ურ-ი, ცენტრალ-ურ-ი. ტექნიკ-ურ-ი). ნასესხებ სიტყვებსა და მათს ახალ წარმოებებში -ურ სუფიქსის ხმარებისას არევ-დარევაა. ეს არევ-დარევა უმეტეს წილ შემთხვევაში დამყარებულია იმ გაუგებრობაზე, რომელიც მდგომარეობდა ამ სიტყვათა რუსული ენიდან გადმოღების დროს ერთ-ერთი რუსული ბოლოსართის მცდარ დანაწევრებაში², სახელდობრ, ისეთ სიტყვათა გადმოღებისას, როგორცაა: динамический, диалектический, фонетический... ბოლოსართად გაგებულ იქნა -ческий, რომელიც ჩამოსცილდა სიტყვას და მის მაგიერ მიემატა ქართული -ურ-ი: დინამი-ურ-ი, დიალექტი-ურ-ი, ფონეტი-ურ-ი... ნამდვილად კი აქ რუსული დაბოლოებაა -еский, ხოლო ყ უმეტეს წილად კ-ს სახეცვლილებაა (შეად. человек — человек-еский, грек — греч-еский). აღნიშნულ არევ-დარევას სხვა მიზეზებიც აქვს, ნაკლებ მნიშვნელოვანი.

მოცემული რიგის სიტყვახმარებაში ერთფეროვნების დასამყარებლად სახელმძღვანელოდ უნდა იქნეს მიღებული შემდეგი დებულებები:

1. სავალდებულოა უცხო ენებიდან ნასესხები ზედსართავეების ქართული გაფორმება:

სოციალური (და არა: სოციალი), რეალური (და არა: რეალი), ცენტრალური (და არა: ცენტრალი), კონკრეტული (და არა: კონკრეტი), პასიური (და არა: პასივი) და სხვ.

2. გაფორმება ხდება შემდეგი თავსართებისა და ბოლოსართების საშუალებით: უმრავლეს შემთხვევაში -ურ სუფიქსით, აგრეთვე -ობრივ სუფიქსით და სა- -ო პრეფიქს-სუფიქსით; მაგ.:

პოლიტიკ-ურ-ი, კლას-ობრივ-ი, სა-რევოლუცი-ო...

ამათგან არევ-დარევა ჩნდება -ურ ბოლოსართის ხმარებისას.

შენიშვნა. თუ საწარმოებელი სიტყვის ფუძეში რ ბგერა შედის, მაშინ ბოლოსართი -ურ დისიმილაციით -ულ სახით წარმოგვიდგება.

3. აღნიშნული ბოლოსართები და თავსართები ემატება სახელის იმ ნაწილს, რომელსაც მივიღებთ ნათესაობით ბრუნვაში ბრუნვის -ის დაბოლოების ჩამოცილების შემდეგ, ე. ი. შეკუმშულ და ბოლომოკვეცილ ფუძეებს (თუ სახელი კუმშვადი ან კვეცადია).

¹ ათორღე სიტყვაში გვხვდება ბოლოსართი -იურ-იც: მზიური, დღიური, წლიური... მაგრამ ის სხვა წარმოშობისაა და აღებული კატეგორიისათვის დამახასიათებელი არ არის.

² თუმცა აღნიშნული სიტყვები ვეროპულ ენებს ეკუთვნის. მაგრამ ქართულში ისინი ჩვეულებრივ რუსულის გზით შემოდის.

ძმა	ძმ-ის	ძმ-ურ-ი
პოლიტიკა	პოლიტიკ-ის	პოლიტიკ-ურ-ი
ისტორია	ისტორი-ის	ისტორი-ულ-ი
პრაქტიკა	პრაქტიკ-ის	პრაქტიკ-ულ-ი
კლას-ი	კლას-ის	კლას-ობრივ-ი
რევოლუცია	რევოლუცი-ის	სა-რევოლუცი-ო...

4. ნასესხები სიტყვებისგან ზედსართავის წარმოებისათვის დასაყრდენია ან არსებითი, ან ზედსართავი სახელის ფუძე.

5. როცა მხოლოდ ზედსართავია ნასესხები (და სათანადო არსებითი სახელი კი — არა), ქართული სუფიქსი ემატება სათანადო უცხო ენის ზედსართავის ფუძეს:

актуаль-ный	აქტუალ-ურ-ი
реаль-ный	რეალ-ურ-ი
социаль-ный	სოციალ-ურ-ი
специаль-ный	სპეციალ-ურ-ი
конкрет-ный	კონკრეტ-ულ-ი
серьез-ный	სერიოზ-ულ-ი

6. როცა სათანადო არსებითი სახელიც არის ნასესხები, ქართული ბოლოსართი ემატება არსებითი სახელის ფუძეს (მესამე მუხლში აღნიშნული გაგებით).

გიგანტ-ი	გიგანტ-ის	გიგანტ-ურ-ი
დინამიკა	დინამიკ-ის	დინამიკ-ურ-ი
ლოგიკა	ლოგიკ-ის	ლოგიკ-ურ-ი
პერიოდი	პერიოდ-ის	პერიოდ-ულ-ი
სტატიკა	სტატიკ-ის	სტატიკ-ურ-ი
ადმინისტრაცია	ადმინისტრაცი-ის	ადმინისტრაცი-ულ-ი
ასტრონომია	ასტრონომი-ის	ასტრონომი-ულ-ი
გრამატიკა	გრამატიკ-ის	გრამატიკ-ულ-ი

და ასე: ანალიტიკა: ანალიტიკ-ურ-ი, მაგრამ:

ანალიზ-ი: ანალიზ-ურ-ი

გრაფიკა: გრაფიკ-ულ-ი

ეთიკა: ეთიკ-ურ-ი

ლირიკა: ლირიკ-ულ-ი

მათემატიკა: მათემატიკ-ურ-ი

მექანიკა: მექანიკ-ურ-ი

პოლიტიკა: პოლიტიკ-ურ-ი

სპეციფიკა: სპეციფიკ-ურ-ი

სტატისტიკა: სტატისტიკ-ურ-ი

სქოლასტიკა: სქოლასტიკ-ურ-ი

ტაქტიკა: ტაქტიკ-ურ-ი

ტექნიკა: ტექნიკ-ურ-ი

იდეალი: იდეალ-ურ-ი

იდეალისტ-ი: იდეალისტ-ურ-ი

ინტერნაციონალ-ი: ინტერნაციონალ-ურ-ი

ინტერნაციონალისტ-ი: ინტერნაციონალისტ-ურ-ი

შენიშვნა 1. ამ როგისათვის, გამონაკლისის სახით, წარმოების დასაყრდენად შეიძლება მიღებულ იქნეს უცხო ზედსართავის ფუძეც, თუ ეს წარმოება სალიტერატურო ენაში გაბატონებულია:

მუსიკალ-ურ-ი, ფორმალ-ურ-ი, თეატრალ-ურ-ი, ცენტრალ-ურ-ი, მატერიალ-ურ-ი.

შენიშვნა 2. მაგრამ ასეთ შემთხვევაშიც ნასესხები არსებითი სახელის ფუძისაგან ზედსართავის კანონზომიერი წარმოება პარალელურად სავსებით დასაშვებია:

მუსიკალ-ურ-ი და მუსიკ-ურ-ი, ნორმალ-ურ-ი და ნორმ-ულ-ი და სხვ.

შენიშვნა 3. -ურ სუფიქსით ზედსართავი სახელის წარმოების პარალელურად ფართოდ უნდა გაეხსნას გზა, ერთი მხრით, -ობრივ სუფიქსით წარმოებას და სა- პრეფიქსისა და -ო სუფიქსის გამოყენებას, ხოლო, მეორე მხრით, ნათესაობითი ბრუნვის ფორმის გამოყენებას უცხო-ური ზედსართავის გადმოსაცემად; მაგალითად, ფაქტიური, ტიპიური ზედსართავების ნაცვლად, რომლებიც, როგორც ასე თუ ისე გავრცელებულნი, გამონაკლისის სახით დატოვებული იყო სალიტერატურო ენაში, უნდა ეიხმართ ფაქტ-ობრივ-ი, ტიპ-ობრივ-ი (ფაქტობრივი მდგომარეობა, ტიპობრივი წესდება); ასევე: საისტორიო-საეთნოგრაფიო საზოგადოება, ფილოლოგიის ფაკულტეტი, ენერგეტიკის ინსტიტუტი და სხვ.

7. ზემოთქმულის მიხედვით შეუწყნარებელია წარმოებისათვის დასაყრდენად გამოყენება უცხო ენის ზედსართავის უმართებულოდ გამოყოფილი ფუძისა. უნდა იყოს: ელასტიკ-ურ-ი და არა: ელასტი-ურ-ი: эластический (*эластический)

ტრაგიკ-ულ-ი (და არა: ტრაგი-ულ-ი)

8. ბერძნულიდან მომდინარე -მა-თი დასრულებული არსებითი სახელისაგან ზედსართავი იწარმოება სახელის ფუძეზე -ურ ბოლოსართის დართვით:

ეპიგრამა—ეპიგრამ-ულ-ი

დრამა—დრამ-ულ-ი და აგრეთვე: დრამის, მაგ., თეატრი. აგრეთვე: დრამატ-ულ-ი)

პრობლემა—პრობლემ-ურ-ი (აგრეთვე: სა-პრობლემ-ო)

პროგრამა—პროგრამ-ულ-ი (აგრეთვე: სა-პროგრამ-ო)

სისტემა—სისტემ-ურ-ი (აგრეთვე: სისტემატ-ურ-ი)

სქემა — სქემ-ურ-ი (აგრეთვე: სქემატ-ურ-ი)

და ასე: პრიზმა — პრიზმ-ულ-ი

ტრავმა — ტრავმ-ულ-ი...

შენიშვნა. თუ ნასესხებია ზედსართავი სახელები, რომელთა შესაბამის-მა დაბოლოებანი არსებითი სახელები ქართულში არ მოიპოვება, მაშინ ზედსართავი ფორმდება რუსული გზით მიღებული ზედსართავის ფუძისაგან:

პნევმატ-ურ-ი пневмат-ический

პრაგმატ-ულ-ი профмат-ический

სომატ-ურ-ი сомат-ический

9. უნდა გაირჩეს სხვადასხვა შინაარსის მქონე ზედსართავი წარმოებანი, რომლებიც გარეგნულად ერთმანეთს ემსგავსებიან:

პედაგოგია (წერტნა): პედაგოგი-ურ-ი, მაგრამ: პედაგოგ-ი: პედაგოგ-ურ-ი, პედაგოგია: პედაგოგია-ურ-ი.

მასიფ-ი: მასი-ურ-ი (МАССИВНЫЙ), მაგრამ: მასა: მას-ობრივ-ი, სა-მას-ო, მას-ურ-ი (МАССОВЫЙ):

კლას-ი: კლას-ობრივ-ი (КЛАССОВЫЙ), მაგრამ: კლასიკ-ურ-ი (КЛАССИЧЕСКИЙ).

ასევე: თუ ამოსავეალია ეკონომიკა ფუძე, მისგან ნაწარმოები ზედსართავი იქნება — ეკონომიკ-ურ-ი; თუ ამოსავეალია ეკონომია ფუძე, მისგან ნაწარმოები ზედსართავი იქნება — ეკონომი-ურ-ი, ხოლო, თუ ამოსავეალია ეკონომ ფუძე — მისგან ნაწარმოები ზედსართავი იქნება ეკონომ-ურ-ი. რუსული ЭКОНОМНЫЙ-ს შესატყვისად ქართულში დარჩება ეკონომიურ-ი.